



## El boète ed Noë

### 3<sup>ème</sup> partie

Juliette ale s'aroute (s'engage) pou éne troisième mission et pi ale l'a fait tou ch'mos ed déchimbe. Ale n'oubliot jamais d'apporter su ch'verd bouton, chti qui donne des chukes, mais sin plus grind plaisi, ch'étot d'vir chés gins bénaches.

Juliette ale a réussi toutes chés missions dé ch' Père-Noë.

Ale n'étot pon l'seule à faire tout cha : gramint d'éfants din l'ville is assistotent chés gins.

Quand Juliette ale n'avot pon d'solution pour chés gins, ale ravisot par l'farniète chés étoèles qui à chaque fos li rinvoïotent des idées. Ch'étot el 24, Juliette et pi ses parints is étotent su l'point de s'mette in route pou ech'rêveillon. In sortint d'amon (de sa maison), elle vot ch't'homme à l'blanke bërbe qui i arprint l'boète. Ale dminda à ses parints el drot d'aller l'vir.

*-Bonjour Père-Noë !*

*-Bonjour Juliette.*

*-Os êtes bin ch' Père-Noë ?*

*-Bien sûr et toi tu es bien Juliette, notre nouvelle recrue ?*

*-Vote nouveïèle arcruë ?*

*-Oh ! Où ai-je la tête ? J'ai ton diplôme dans ma poche.*

El viel homme i sort éne feule d'eus poque et pi i comminche à lire.

*« La commission de Noël, présidée par le Père –Noël, bla bla bla, .. promet au grade de lutine première échelon Juliette bla bla bla... »*

*-Tu vois, c'est écrit noir sur blanc.*

*-Ej sus adon éne lutinne ?*

*-Parfaitement et permets-moi de te féliciter. Tu as réussi toutes tes missions avec succès, ce qui est, de mémoire de Père-Noël, assez rare pour une 1<sup>ère</sup> année ; mais je dois dire que tu m'as épaté !*

*-Ah bon ! Bin mi ej croïos qu'chétot chés lutins à ch' pôle Nord qui préparotent chés présints pour chés éfants.*

*-C'est presque exact ! Ce sont les elfes qui préparent les cadeaux pour les enfants. Nous nous occupons des enfants et ce sont les enfants qui s'occupent des adultes. Les adultes ne croient plus au Père-Noël et c'est aux enfants de ranimer la magie de Noël chez les adultes !*

*-Ah d'accord...*

*-L'année prochaine, si tu veux bien, j'aurais encore besoin de toi.*

*-Os povez compter su mi Père-Noë !*

*-Joyeux Noël ma petite Juliette, à toi et à toute ta famille !*

*-Joyeus Noë Père-Noë !*

« *Papa, maman, ej voudros vos présinter quicun. »*

Mais quand Juliette ale s'a artourné, ch' Père-Noë i avot disparu.

Ch' Père-Noë i li avot fait comprinte gramint d'cosses. In rintrant à s'mason, ale a proposé s'n'aidance (aide) à s'maman fin bénache deuch cangement. « Baille-me chi, cope-me cha, ringe-me chi, va querre cha din ch'garache, ... »

Juliette ale va din ch'garache et pi à l'indrot qu'ale li avot dit s'mère i avot in drôle ed carton.

Curieuse, Juliette ale l'ouvre et pi ed'dans i avot plein d'chukes comme cheus que l'boète ale li donnot in récompinse.

- *Mais adon, maman ale travale pou ch'Père-Noë ?*

- *Eh oui, li répond eus mère qui étot drière. Viens, tin papa i dot t'amoutrer quétcosse.*

Sin père i l'aconduit (emmène) din in coin du garache et pi i arsaque un drop (drap).

Edsous, i avot éne boète à lettres comme chelle dé ch'Père Noë.

-*Ti aussi té oeuvres (travailles) pou ch'Père-Noë ?*

-*Et si. Mais ej n'fais pon qu'cha. Mi aussi j'assiste chés gins comme ti. Té sais quo qu'ch'est l'magie d'Noë ?*

-*Non, qu'ale i répond Juliette.*

*Eh ben, ch'Père-Noë i donne d'el joée (joie) à chés éfants, et pi chés éfants à chés parints et pi chés parints à chés tayons (grands-parents) comme cha, persone i n'est oblié.*

*Ch'est cha, el magie ed Noë!"*

Elodie LANGEROT

D'après une histoire de Gabriel Caux

